

SWD TWEEKAMP/BIATHLO



TWEEKAMP
BIATHLON

**VOORSITTERSVERSLAG 2004/5
FINANSIËLE VERSLAG 2004/5**
Dave van der Walt

VOORSITTERSVERSLAG 2005

Wat 'n bedrywige jaar ! 'n Jaar waarin SWD Tweekamp trots kan wees. Tog is daar nog baie ruimte vir verbetering en wil ek hoop dat 2005/6 veel vir tweekamp en biathlo gaan inhou.

Graag doen ek net verslag van die volgende sake van belang :

TWEEKAMP : NASIONAAL - OORSIG

Daar is vanjaar gepoog om 'n SA Tweekampspan asook 'n Presidentspan te kies wat aan twee byeenkomste [Bloemfontein en PE] gaan deelneem. Dit is 'n nuwe rigting en gaan dus gepaard met vele tandekryprobleme, maar ons hoop van harte dat dit opgelos kan word en dus meer geleenthede vir ons atlete kan skep. Dieselfde kan ook van die SA Ontwikkelingspan gesê word.

Net terugvoering oor die volgende nasionale sake :

- SA Ontwikkelingspan word voortaan deur keurkomitee gekies word;
- Nasionale webtuiste vir tweekamp is daargestel [www.sabiathlon.co.za]
- SA Kampioenskappe 2006 in Germiston [14/15 April 2006];
- SA Kampioenskappe 2007 in Kaapstad.

SWD

PLAASLIKE LIGABYEENKOMSTE

- 2 provinsiale proewebyeenkomste [HG & OP];
- 1 provinsiale kampioenskap [tweekamp]
- 1 Interprovinsiale byeenkoms [Highgate]
- 3 ligabyeenkomste
- Ek stel voor dat die SWD Biathlo Kampioenskappe op as deel van die Highgate Byeenkoms afgehandel word;
- Atlete [en selfs afrigters] wil net na sekere byeenkomste reis. Die probleem sal ernstig aangespreek moet word.
- Deelname van die Langebergstreek moet weer ondersoek word - ons kan doen met die puik atlete wat altyd uit daardie streek gekom het !
- Ook die Knysna-gebied moet weer ernstig bemark word.

PROVINSIALE BYEENKOMSTE

- Neem aan 2 interprovinsiale byeenkomste deel - OP en Highgate;
- B/Ontwikkelingspanne in albei gevalle gekies;
- Daar moet werklik gekyk word na die stuur van 'n SWD-spannetjie na die OVS Interprovinsiaal gedurende die Septembervakansie.

NASIONALE BYEENKOMSTE

TWEEKAMP/BIATHLO

SA KAMPIOENSKAPPE 2005: PE - 25/26 Maart 2005

[Sien die verslag van die spanbestuur.]



Die SWD Tweekampspan vir die 2005 SA Kampioenskappe in PE



Die spanbestuur by die SA Kampioenskappe : netjies en op hulle plek !

ONTWIKKELING

Ontwikkeling is kerngesond in SWD Tweekamp/Biathlo en baie dank verskuldig aan ons ontwikkelingsbeampte, Deon Fourie. SWD word tereg beskou as een van die leiers op die gebied van ontwikkeling.

Die afgelope jaar het ontwikkeling in die SWD goed gedoen en het SWD weer 1 atleet vir die SA Ontwikkelingspan op die SA Kampioenskappe in PE gelewer. Ons het vanjaar weer vier ontwikkelingsklinieke aangebied - Oudtshoorn, George en Bridgtown [Oudtshoorn]. Ons beplan ook om vanjaar nog die ontwikkeling uit te brei na die gestremde atlete en wil ook graag 'n kliniek op Calitzdorp aanbied. Daar is weer aansoek gedoen vir ontwikkelingshulp by die DCAS en daar word nog gewag vir die uitslag.

NASIONALE BESTURE

- Dave van der Walt weer herkies op SA Uitvoerende Bestuur en as nasionale keurder vir 2005/6 en word ook aangewys as die spanbestuurder van die SA Ontwikkelingspan en die SA Tweekampspan.

FINANSIES

- Finansies nog gesond alhoewel die druk al groter word en die borge alhoe kleiner;
- Sluit jaar af met R15877[tweekamp] en R17709 [Ontwikkeling]
- SA Kampioenskappe volgende jaar gaan ons heelwat kos agv van afstand [Germiston];

BORGE

- Highgate bly een van SWD se getroue borge;
- Klein Karoo/Seesig Motors borg ons ontwikkeling met waentjie;
- Dept van Kultuursake & Sport ondersteun SWD Tweekamp goed;
- Daar moet egter ander borgskappe ook gevind word.

BESKIKBAARSTELLING VAN UITSLAE

SWD Tweekamp se liga- en kampioenskapsbyeenkomste se uitslae word nou deur middel van SWD se webtuiste aan die verskillende streke/skole/klubs beskikbaar gestel. Ons is tans besig om die stelsel te verbeter en hoop om dit vanjaar in behoorlike werking te stel. Die adres is www.swdtweekamp.co.za.

APPARAAT EN TOERUSTING

- Puik toergeruste waentjie met alles wat nodig is vir aanbied van 'n byeenkoms;

TRANSFORMASIEBELEID

GESTREMDES

Die betrokkenheid van fisiese gestremdes in tweekamp blyk minimaal te wees aangesien dit die twee komponente van swem en hardloop behels. Tog is SWD Tweekamp in gesprek met die plaaslike Vereniging van Gestremdes om die sportsoort te bevorder. 'n Spesiale kliniek word beoog vir 2005.

ONGELYKHEID VAN DAMES IN SPORT

SWD Tweekamp is alreeds ver gevorder op hierdie gebied nadat daar die afgelope tyd baie aandag daaraan gespandeer is. Soos die aangehegte organigram van die Bestuur van SWD Tweekamp aandui, is heelwat dames in bestuurposisies. Die Vice-Voorsitter, Algemene Sekretaris, Sekretaris : Beamptes, Tesourier, Verteenwoerdiger vir Seniors, asook die 4 streeksverteenwoordigers. Die probleem het nou ontstaan dat daar myns insiens te min mans [3] op die bestuur is. Tog lewer die dames 'n uitstekende diens is groei SWD Tweekamp positief.

ALGEMEEN

Graag wil ek ook die volgende belangrike punte aanraak.

- Om die sportsoort organisatories gesond te maak, MOET elke geaffilieerde lid sy bydrae maak. Van elke lid word verwag om by elke byeenkoms ten minste 1 beampte beskikbaar te stel - dit kan ook 'n bekwame ouer wees ! Vanjaar gaan ons van skole/klubs verwag word om die beampte skriftelik vir die ligabyeenkomste aan te wys.

- Dit is die verantwoordelikheid van elke tweekamporganiseerder om toe te sien dat elke deelnemer in sy/haar skool of klub se klere deelneem - dit bevorder die aansien van ons sportsoort en ook die verkryging van die nodige borgskappe.
- Die stiptelike samewerking van elke organiserer/skool om die organisasie van ons provinsie nog meer te verbeter.

BEDANKINGS

Gun my asseblief die geleentheid om die volgende persone en instansies te bedank :

- Alle ouers, onderwysers, afrigters, borge en belangstellendes wat dit vir SWDTV moontlik maak om te vorder;
- Aan my SWD Bestuur vir die flinke wyse waarop hulle tweekamp in die SWD bedryf en die tyd wat hulle opoffer asook die ondersteuning wat hulle my as voorsitter gebied het;
- Aan ons jarelange borg en vriend, Alex Hooper van HIGHGATE VOLSTRUIS-VERTOONPLAAS ;
- Mn George Botha van KLEIN KAROO/SEESIG MOTORS, vir die borgskap van die waentjie;
- Die Departement van Kultuursake en Sport van die Wes-Kaap, en in die besonder die plaaslike SWD-kantoor [Jean Neethling en Dirk v d Westhuizen] vir finansiële en fisiese bystand;
- Aan alle skole en klubs wat hulle beywer vir die ontwikkeling van ons sportsoort;
- Aan al ons atlete wat so getrou die ligabyeenkomste bywoon;
- Aan die munisipaliteit van Oudtshoorn, HS Outeniqua en ander instansies vir die beskikbaarstelling van hulle fasiliteite en geriewe;
- Aan my gesin wat maar altyd bereid is om aan die agterste speen te suig;
- Aan ons dierbare Vader wat ons die krag en genade gee om hierdie taak te verrig.

Ek dank u.

Dave van der Walt
Voorsitter

